



Til Inatsisartunut ilaasortaq
Laura Táunàjik
-/maani

**§ 37 naapertorlugu apeqqummut 1 201/2015-imut napparsimasunik sullissiner-
mut, nakkutilliinermut naammagittaalliuteqartarfimmullu tunngasunut akissu-
teqaat**

Aallarniutigalugu napparsimasunik sullissinermit, nakkutilliinermut naammagittaalliute-
qartarfimmullu tunngasunik apeqquteqaravit qutsavigaakkitt.

1-imut)

**Peqqinnissaqarfitsinni sullinneqarneq kiffartuussinerlu nunanut avannarlernut na-
leqqiullugu pitsaassutsimikkut qanoq inissisimappat?**

Kalaallit Nunaanni peqqinnissaqarfimmi sulinissamut nunani avannarlernisulli piginnaati-
taaneq piomasaaqatigineqarpoq. Taamaattumik peqqinnissaqarfiup sullissinerani suliso-
rineqartut nunani avannarlerni peqqinnissaqarfinni sulisorineqartut ilinniagaasa assinga-
nik piginnaasaasalu assinganik ilinniarsimasuullutillu piginnaaneqarput. Taamaattumik
Kalaallit Nunaanni nakorsat suliaannut tunngatillugu peqqinnissaqarfimmilu sulisut im-
mikkut ilisimasalinnut tunngatillugu pitsaassuseq nunanut avannarlernut naleqqiunne-
qarsinnaapput.

Kalaallit Nunaanni nunassitsitersimaneq pissutigalugu peqqinnissaqarfiup immikkut ittu-
nik sullissinera nunamut tamarmut siammartersinnaanngilaq, peqqinnissaqarfiulli kiffar-
tuussinerup qaffasissuunissaa immikkullu ittunik sullissinermi innuttaasut sapinngisa-
mik qaninnissaat ataavartumik sulissutigaa, assersuutigalugu immikkut ilisimasalinnik
angalatitsinikkut telemedicinilu aqputigalugu nakorsartitsisarnikkut.

Nunani allani misissuinerit takutippaat, telemedicini aqputigalugu sullissinerup pitsaas-
sua immikkullu ilisimasaqarfinni allani, ornigulluni nakorsiarnerit qaffaseqatigiinnarai.

2-mut)

Peqqissaasut, nakorsat, sulisullu allat sullissinerat kikkunniit nakkutigineqarpat?

Peqqinnissaqarfiup aqunneqarnera, aqqissuussaanaera kiisalu peqqinnissamut tunnga-
sutigut sullissisut aamma tarnip pissusaanik ilisimasallit pillugit Inatsisartut inatsisaanni
nr. 27-mi, 18. november 2010-meersumi § 7, imm. 3, § 9, imm. 2 kiisalu Peqqinnissak-
kut Nakkutilliisoqarfiup (maanna Nunatsinni Nakorsaaneqarfiusup) sulinera pillugu Nam-
minersornerullutik Oqartussat nalunaarutaanni nr. 1-imi, 4. januar 1996-meersumi § 7
tunngavigalugit Nunatsinni nakorsaaneqarfiup peqqinnissaqarfimmi sullissineq, peqqin-
nissaqarfimmi sulinissamut piginnaatitaasunit isumagineqartoq aamma peqqinnissaqar-
fimmi sulinissamut ilinniarsimasunik piginnaatitaanermilli pigisaqanngitsut nakkutigisa-
raa.

18-08-2015
Suliap nr.: 2015 - 7622
All. nr. 927987

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

3-mut)

Nakorsiertartut ikiorneqaratik angerlartiinnarneqaqqittartut ukiumut qassiusarpat?, qanoq ajortigigaangata aatsaat napparsimavinni unnuisinneqarsinnaasarpat? Napparsimmavissuarmut napparsimasut unitsinneqassappata qanoq napparsimatigisariaqarpap?

Ajoraluartumik kisitsisinik paasissutissanillu allanik pigisaqartoqanngilaq apeqqutip siul-liup akineqarnissaanut tunngavissiisunik.

Kalaallit Nunaanni peqqinnissaqarfimmi sulisut suliaminnik qaffasissusilimmik naam-massinnittarnerat tatigaara, napparsimasullu qanoq issusiisa ilungersunarnerat pitsan-ngoriarnissamullu periarfissaat aallaavigalugit sullissinermik pisariaqartumik neqeroor-figineqartarnerat tatigalugu. Tamanna aamma unitsinneqarnissamut neqerooruteqar-nermi atuuppoq.

Taamaattumik ajuusaarutigaa innuttaasut peqqinnissaqarfimmi pisariaqartitsinermin-ni ikiorneqarsinnaanatik misigisimassappata, kaammattuutigerusullugulu sulii pisariaqar-titsigunik saaffigineqqeqqullugit.

4)-mut

Nakorsiertaraluartut maalaaruteqarnissaq pillugu sumut saaffiginnissinnaappat?

Qulaani allaaserineqartut isumaqarpunga, peqqinnissaqarfimmi sulisut sapinngisartik naapertorlugu napparsimasut pitsaasumik sullinneqarnissaat ilungersuutigigaat. Napparsimasulli tamarmik peqqinnissaqarfimmi sulisut suliaat pillugit naammagittaalliu-uteqarnissaminnut periarfissaqarput. Naammagittaalliuut taamaattoq Nunatsinni nakor-saaneqarfimmut tunniunneqassaaq, soorlu Napparsimasut Maalaarutaannik Aalajangiisartunut maalaaruteqartarnek pillugu Namminersortulik Oqartussat nalunaarutaanni nr. 14-imi, 24. september 2012-imeersumi § 4, imm. 1-imi tamanna ersertoq. Nunatsinni na-korsaaneqarfiup tamatuma kingornatigut paasissutissanik pissarsiniartarpoq naamma-gittaalliuutillu eqikkarsinnarlugit Danmarkimi Peqqinnissaqarfiup Napparsimasut Naam-magittaalliuutaannik Aalajangiisartunut nassiuttarlugit. Napparsimasut naammagittaal-liuutaannik aalajangiisartut paasissutissat tunngavigalugit nalilertarpaat peqqinnissaqar-fimmi sulisoq naammagittaalliuutigineqartoq tunngavigalugu isornartorsiummik oqaase-qarfigineqassanersoq.

Naammagittaalliuuteqarsinnaaneq pillugu iliitersuutit nittartakkami:

http://peqqik.gl/Emner/Patientinformation/Klager/VejledningTilKlage.aspx?sc_lang=kl-GL-imi nassaarineqarsinnaavoq.

Inussiarneraumik inuulluaqqusillunga


Doris Jakobsen